



---

# Cymorth Ariannol a Gwobrau

Ysgoloriaethau a Bwrsariaethau ar gyfer ymgeiswyr sy'n dechrau eu hastudiaethau yn 2021

---

## Cynnwys

<b>Arholiadau Mynediad – Ysgoloriaethau a Gwobrau Teilyngdod</b> (cyfle i ennill hyd at £2,000 y flwyddyn a gwarant o le i astudio yn Aberystwyth)	<b>4-10</b>
<b>Ysgoloriaethau Rhagoriaeth Academaidd</b> (£2,000 i ymgeiswyr sy'n rhagori yn eu hastudiaethau cyn dechrau yn y Brifysgol)	<b>11</b>
<b>Bwrsariaeth Margaret Evelyn "Lynne" Williams</b> (£500 ar gyfer ymgeiswyr i'r Adran Gymraeg ac Astudiaethau Celtaidd)	<b>11</b>
<b>Bwrsariaethau Ysgol Gwyddor Filfeddygol Aberystwyth</b> (hyd at £2,400)	<b>12</b>
<b>Ysgoloriaeth Emily Price</b> (£500 ar gyfer ymgeiswyr benywaidd ar gyfer Mathemateg/Ffiseg)	<b>12</b>
<b>Gwobrau Adrannol</b> (£250 - £500 y flwyddyn ar gyfer ymgeiswyr i'r Adrannau Cyfrifiadureg, Mathemateg a Ffiseg)	<b>13</b>
<b>Ysgoloriaethau Chwaraeon</b> (£1,000 y flwyddyn a manteision eraill, ar gyfer unrhyw gynllun gradd)	<b>14</b>
<b>Gwobrau Teilyngdod Chwaraeon</b> (£500 i fyfyrwyr cyfredol sy'n rhagori mewn chwaraeon)	<b>15</b>
<b>Ysgoloriaethau Pêl-droed Prifysgol Aberystwyth/Tref Aberystwyth</b> (£4,000 y flwyddyn a manteision ychwanegol ar gyfer chwaraewyr pêl-droed dynion)	<b>15</b>
<b>Ysgoloriaethau Cerdd</b> (£650 y flwyddyn a manteision eraill, ar gael ar gyfer unrhyw gynllun gradd)	<b>16-17</b>
<b>Bwrsariaethau i'r rhai sy'n Gadael Gofal, Gofalwyr Ifanc a Myfyrwyr sydd wedi'u dieithrio wrth eu teuluoedd</b> (£1,500 y flwyddyn a phecyn o gymorth ychwanegol)	<b>19</b>
<b>Ysgoloriaethau Astudio trwy'r Gymraeg</b> (hyd at £400 y flwyddyn ar gyfer astudio eich cwrs, neu ran o'ch cwrs, drwy gyfrwng y Gymraeg)	<b>20</b>
<b>Ysgoloriaethau'r Coleg Cymraeg Cenedlaethol</b> (Ysgoloriaethau ychwanegol am astudio drwy gyfrwng y Gymraeg)	<b>21</b>
<b>Grant Cymdeithas y Cyn-fyfyrwyr</b> (hyd at £1,500 ar gyfer ymgeiswyr o ardal De-ddwyrain Cymru)	<b>22</b>
<b>Cyflogaeth a Chymorth Ychwanegol</b> (GwaithAber a'r Gwasanaeth Cyngor, Gwybodaeth ac Arian)	<b>23</b>
<b>Gwybodaeth Bwysig i'w nodi</b>	<b>24</b>
<b>Ysgoloriaethau, Bwrsariaethau a Gwobrau 2021</b> Trosolwg	<b>26-27</b>

## Cyflwyniad

Gall astudio yn y brifysgol fod yn brofiad trawsnewidiol wrth i'ch dealltwriaeth o'ch pwnc ddyfnhau, ac wrth i chi wneud darganfyddiadau newydd a chwrrd â ffrindiau am oes. I nifer o fyfyrwyr, mae hefyd yn gyfnod o ddysgu byw'n annibynnol a rheoli cyllidebau.

Yn Aberystwyth rydym yn deall goblygiadau ariannol addysg uwch. Diolch i gefnogaeth hael cyn-fyfyrwyr a chyfeillion, rydym wedi gallu cynnig ysgoloriaethau ers 125 o flynyddoedd a mwy ac rydym yr un mor ymroddedig ag erioed i gefnogi ein myfyrwyr. Dyna'r rheswm dros roi pecyn hael o wobrau at ei gilydd a all eich helpu â chostau byw o ddydd i ddydd.

Nid ydym yn cyfyngu ar nifer y gwobrau y gallwch eu derbyn - cyn belled â'ch bod yn bodloni'r meini prawf, gallwch ddal sawl gwobr. Golyga hyn y gallwch gyfuno amrywiaeth o wobrau i wneud eich pecyn ariannol yn fwy gwerthfawr.

Mae gennym amrywiaeth o ysgoloriaethau a bwrsariaethau i fodloni gofynion pawb - a'r newyddion da yw, yn wahanol i fenthyciad myfyriwr, nid oes raid i chi dalu'r arian yn ôl. Mae gennym wobrau ac ysgoloriaethau i wobrwyo rhagoriaeth academaidd, bwrsariaethau i gynorthwyo myfyrwyr o gefndiroedd dan anfantais, gwobrau ar gyfer doniau chwaraeon a cherddorol, a chymhelliannau i astudio drwy gyfrwng y Gymraeg.

Edrychwch i weld a allech chi elwa ar un neu fwy o'n gwobrau. Darllenwch drwy'r llyfryn i gael rhagor o wybodaeth a chysylltwch os oes gennych unrhyw gwestiynau.

**Yr Athro Elizabeth Treasure  
Is-Ganghellor**



# Arholiadau Mynediad: Ysgoloriaethau a Gwobrau Teilyngdod

Mae gennym hanes hir o gynnis Ysgoloriaethau yn Aberystwyth. Mae cyfle i elwa drwy sefyll dau arholiad.

## Beth yw'r Arholiadau Mynediad?

Mae Ysgoloriaethau Mynediad a Gwobrau Teilyngdod ar gael i ymgeiswyr ar gyfer unrhyw gynllun gradd yn Aberystwyth. Bydd yn rhaid i chi sefyll dau arholiad o blith y pynciau a gynigiwn. Mae pob arholiad yn para awr a hanner. Caiff yr arholiadau eu gosod a'u marcio gan ein hadrannau academaidd, ac felly nid ydynt yn dilyn maes llafur penodol, ond dylai'r safon fod tua'r un safon ag arholiadau Safon Uwch.

Sylwch y bydd yr arholiadau ar-lein yn 2021.

### 1. Ysgoloriaethau Cyfadran – £2,000 y flwyddyn

Mae 20 Ysgoloriaeth Cyfadran ar gael, sy'n werth £2,000 y flwyddyn, ynghyd â gwarant o lety yn eiddo'r Brifysgol gydol y cwrs\* (gweler hefyd rhif 4 isod). Ein cyfadranau academaidd sy'n clustnodi'r gwobrau hyn ar sail perfformiad rhagorol yn yr Arholiadau Mynediad.

### 2. Ysgoloriaethau'r Brifysgol – £1,000 y flwyddyn

Mae gennym 50 o Ysgoloriaethau'r Brifysgol i'w dyfarnu i'r ymgeiswyr sy'n cael y marciau cyfunol uchaf yn y ddau bapur arholiad. Bydd ymgeiswyr llwyddiannus yn derbyn £1,000 ym mhob blwyddyn o'u cwrs. Mae enillwyr yr Ysgoloriaethau hyn hefyd yn cael gwarant o lety yn eiddo'r Brifysgol gydol eu cwrs\*. Gweler hefyd rhif 4 isod.

### 3. Gwobrau Teilyngdod – £1,000 yn y flwyddyn gyntaf

Rydym yn cynnig tua 250 o Wobrau Teilyngdod bob blwyddyn i fyfyrwyr sy'n gwneud yn dda yn yr arholiadau ond yn methu o drwch blewyn â chael Ysgoloriaeth. Bydd deiliaid Gwobrau Teilyngdod yn derbyn £1,000 yn ystod eu blwyddyn gyntaf. Gweler hefyd rhif 4 isod.

### 4. Cynigion Diamod

Gall perfformiad cryf yn yr Arholiadau Mynediad beri bod y Brifysgol yn cadarnhau eich lle heb amodau pellach, gan arwain at gynnig UCAS diamod.

Mae'n bosib bydd rhai ymgeiswyr nad ydynt yn derbyn gwobr yn cael cynnig diamod ar sail perfformiad cryf yr arholiadau.

\* Er mwyn sicrhau eich gwarant o le yn un o neuaddau'r Brifysgol, rhaid i chi wneud cais am lety yn y flwyddyn academaidd nesaf erbyn y dyddiad a hysbysebir gan y Swyddfa Llety ar gyfer myfyrwyr sy'n dychwelyd.

## Pynciau Arholiad

Rhaid sefyll yr Arholiadau Mynediad mewn DAU o'r pynciau canlynol. Os na nodir yn wahanol, fe fydd cwmpas yr arholiad yn debyg i'r hyn a geir yn arholiadau Safon Uwch, ond nid ydynt yn dilyn unrhyw faes llafur penodol. Mae'n bwysig sicrhau fod y pynciau'n berthnasol i'r cynllun gradd a ddewiswyd.

Gweler adran 'Strwythur yr Arholiadau a Hen Papurau' ar dudalennau gwe'r ysgoloriaethau ar gyfer gwybodaeth bellach ar gynnwys pob papur, ac i edrych ar hen papurau arholiad: [www.aber.ac.uk/ysgoloriaethau/papurau](http://www.aber.ac.uk/ysgoloriaethau/papurau)

- Addysg ac Astudiaethau Plentyn
- Almaeneg
- Amaethyddiaeth a Chefn Gwlad
- Astudiaethau Ffilm a Theledu
- Astudiaethau Gwybodaeth
- Bioleg 1: Moleciwlau i Organau
- Bioleg 2: Micro-Organebau i Ecosystemau
- Busnes a Rheolaeth
- Celf - Portffolio
- Cemeg
- Cyfrifeg a Chyllid
- Cyfrifiadureg
- Cymdeithaseg
- Cymraeg (Iaith Fodern)
- Cymraeg (Iaith Gyntaf)
- Daeareg
- Daearyddiaeth Ddynol
- Daearyddiaeth Ffisegol
- Drama ac Astudiaethau Theatr
- Economeg
- Ffiseg
- Ffrangeg
- Gwleidyddiaeth
- Gwleidyddiaeth Ryngwladol
- Gwyddor Anifeiliaid a Cheffylau
- Gwyddor Chwaraeon ac Ymarfer Corff
- Gwyddor yr Amgylchedd
- Hanes Celf
- Hanes - Nysoedd Prydain
- Hanes - Ewrop ac America
- Mathemateg
- Mathemateg Bellach
- Saesneg: Llenyddiaeth
- Sbaeneg
- Seicoleg
- Technoleg Gwybodaeth
- Troseddeg
- Twristiaeth
- Y Gyfraith
- Ysgrifennu Creadigol (yn Saesneg)

## Dyddiad yr Arholiadau

Cynhelir yr arholiadau ar-lein yn ystod yr wythnos sy'n dechrau 24 Mai 2021 a bydd angen eu cymryd yn eich ysgol / coleg. Bydd ymgeiswyr fel arfer yn sefyll un papur yn ystod sesiwn y bore a'r llall yn ystod sesiwn y prynhawn. Mae amserlen yr arholiadau ar gael ar y wefan: [www.aber.ac.uk/ysgoloriaethau/amserlen](http://www.aber.ac.uk/ysgoloriaethau/amserlen)

Os yw'r ddau bwnc wedi'u hamserlennu ar gyfer yr un sesiwn byddwch yn eistedd un o'r papurau yn y bore a'r papur arall yn y prynhawn.

## Pa bynciau ddylen i eu dewis?

Er mwyn cael eich ystyried ar gyfer gwobr a/neu gynnig diamod mae'n bwysig dewis papurau arholiad sy'n dderbyniol i'r adran(nau) yr ydych wedi gwneud cais i astudio ynddi/ ynddynt. Eich cyfrifoldeb chi yw sicrhau eich bod wedi dewis pynciau derbyniol.

Gweler y gwefan hefyd am fanylion pwysig ar gynnwys papurau arholiad unigol:  
[www.aber.ac.uk/ysgoloriaethau/papurau](http://www.aber.ac.uk/ysgoloriaethau/papurau)

Os ydych chi'n gwneud cais am gwrs sy'n cynnwys blwyddyn sylfaen ac yn ansicr pa bynciau i'w dewis, anfonwch e-bost atom:  
[ysgoloriaethau@aber.ac.uk](mailto:ysgoloriaethau@aber.ac.uk)

Adran/Pwnc	
<b>Addysg</b>	Mae'r papur arholiad yn addas ar gyfer ymgeiswyr sy'n astudio ar gyfer cymhwyster Addysg neu Blentyndod a'r rheiny sy'n ymddiddori yn y pwnc. Er bod ymgeiswyr i'r Adran yn cael eu hannog i ystyried dewis y papur hwn, mae unrhyw gyfuniad o bynciau yn dderbyniol.
<b>Astudiaethau Gwybodaeth</b>	Er bod ymgeiswyr i Astudiaethau Gwybodaeth yn cael eu hannog i ddewis y papur Astudiaethau Gwybodaeth, mae unrhyw gyfuniad pwnc yn dderbyniol.
<b>Astudiaethau Theatr, Ffilm a Theledu</b>	Disgwylir i ymgeiswyr ar gyfer cwrs sengl neu gyfun mewn Drama ac Astudiaethau Theatr sefyll y papur Drama ac Astudiaethau Theatr ar gyfer un o'u dewisiadau. Disgwylir i ymgeiswyr ar gyfer cwrs sengl neu gyfun mewn Astudiaethau Ffilm a Theledu sefyll y papur arholiad Ffilm a Theledu ar gyfer un o'u dewisiadau.
<b>Celf</b>	Rhaid i ymgeiswyr i gynlluniau gradd sy'n cynnwys Celfyddyd Gain gyflwyno Portffolio o'u gwaith celf fel un o'u Harholiadau Mynediad (gweler: <a href="http://www.aber.ac.uk/ysgoloriaethau/celf">www.aber.ac.uk/ysgoloriaethau/celf</a> ). Rhaid i ymgeiswyr i gynlluniau gradd sy'n cynnwys Hanes Celf gymryd y papur Hanes Celf ar y cyd ag unrhyw bwnc arall. Rhaid i ymgeiswyr sydd â Chelfyddyd Gain a Hanes Celf yn eu cynllun gradd (er enghraifft BA Celfyddyd Gain / Hanes Celf gyflwyno'r portffolio Celf Gain a'r papur Hanes Celf.
<b>Cyfrifiadureg</b>	Rhaid i ymgeiswyr sydd wedi gwneud cais am gwrs sy'n cynnwys Cyfrifiadureg sefyll o leiaf un o'r papurau Cyfrifiadureg neu Dechnoleg Gwybodaeth.
<b>Cymdeithaseg</b>	Disgwylir i ymgeiswyr Cymdeithaseg sefyll y papur Cymdeithaseg ac unrhyw bapur arall o'u dewis. Byddem yn argymhell ystyried y papurau daearyddiaeth ddynol a seicoleg.
<b>Daearyddiaeth a Gwyddorau Daear (yn cynnwys gwyddor yr amgylchedd)</b>	Disgwylir i ymgeiswyr ar gyfer Daearyddiaeth, Cymdeithaseg, Gwyddor Daear neu'r Amgylchedd sefyll o leiaf un papur a gynigir gan yr adran, yn cynnwys: Daearyddiaeth Ffisegol, Daearyddiaeth Ddynol, Daeareg, Gwyddor yr Amgylchedd, Cymdeithaseg.

Adran/Pwnc	
<b>Ffiseg</b>	Rhaid i ymgeiswyr ysgoloriaeth sy'n bwriadu astudio Ffiseg sefyll y papur Ffiseg ar gyfer un o'u dewisiadau. Os yw ymgeiswyr yn astudio Mathemateg Safon Uwch gellir dewis unrhyw bwnc arall ar gyfer yr ail bapur. Fodd bynnag, dylai ymgeiswyr nad ydynt yn astudio Mathemateg Safon Uwch ddewis Mathemateg ar gyfer yr ail bapur.
<b>Gwleidyddiaeth Ryngwladol</b>	Gofynnir i ymgeiswyr i'r Adran Gwleidyddiaeth Ryngwladol sefyll o leiaf un o'r papurau a gynigiwn: Gwleidyddiaeth a Gwleidyddiaeth Ryngwladol. Er bod ymgeiswyr yn cael eu hannog i ystyried sefyll y ddau bapur, gellir dewis sefyll un o'r papurau hyn ac unrhyw bwnc arall.
<b>Gwyddorau Biolegol, Amgylcheddol a Gwledig (IBERS)</b>	Dylai ymgeiswyr ddewis o leiaf un papur arholiad sy'n ymwneud yn uniongyrchol â'r cwrs y maen nhw'n gwneud cais ar ei gyfer. Os yw ymgeiswyr yn ansicr ynghylch eu dewisiadau, gallant gysylltu â thîm derbyniadau IBERS ar <a href="mailto:ibrstaff@aber.ac.uk">ibrstaff@aber.ac.uk</a> am gyfarwyddyd.
<b>Hanes a Hanes Cymru</b>	Gofynnir i ymgeiswyr i'r Adran Hanes a Hanes Cymru sefyll o leiaf un o'r papurau a gynigiwn: Hanes - Ynsoedd Prydain neu Hanes - Ewrop ac America. Er bod ymgeiswyr yn cael eu hannog i ystyried sefyll y ddau bapur, gellir dewis sefyll un o'r papurau hyn ac unrhyw bwnc arall.
<b>Ieithoedd Modern</b>	Os yw ymgeiswyr yn astudio'r iaith fodern (Ffrangeg, Almaeneg neu Sbaeneg) hyd at lefel Safon Uwch, disgwylir iddynt ddewis yr iaith honno ar gyfer un o'u dewisiadau.
<b>Mathemateg</b>	Rhaid i ymgeiswyr sydd wedi gwneud cais am gwrs sy'n cynnwys mathemateg* sefyll y papur Mathemateg ar gyfer un o'u dewisiadau.  * Ceir restr o gyrsau sy'n cynnwys mathemateg ar-lein <a href="https://cyrsiau.aber.ac.uk/subject/mathematics">https://cyrsiau.aber.ac.uk/subject/mathematics</a>
<b>Saesneg ac Ysgrifennu Creadigol</b>	Disgwylir i ymgeiswyr i'r Adran Saesneg ac Ysgrifennu Creadigol sefyll un neu ddau o'r papurau a gynigiwn: Creative Writing (yn Saesneg) a Llenyddiaeth Saesneg. Er bod ymgeiswyr yn cael eu hannog i sefyll y ddau bapur, gellir dewis sefyll un o'r papurau hyn ac unrhyw bwnc arall.
<b>Seicoleg</b>	Dylai ymgeiswyr sydd wedi gwneud cais i'r Adran Seicoleg gymryd y papur Seicoleg fel un o'u dewisiadau.
<b>Y Gyfraith</b>	Er bod ymgeiswyr i Adran y Gyfraith a Throsedd yn cael eu hannog i ystyried dewis papurau Y Gyfraith / Trosedd, mae unrhyw gyfuniad o bapurau yn dderbyniol.
<b>Y Gymraeg ac Astudiaethau Celtaidd</b>	Gall y rheini sy am wneud cais i astudio Cymraeg ddewis un o ddau bapur ysgoloriaeth, sef naill ai papur Cymraeg Iaith Fodern yn achos myfyrwr ail iaith, neu papur Cymraeg Iaith Gyntaf yn achos myfyrwr iaith gyntaf.
<b>Ysgol Fusnes</b>	Er bod ymgeiswyr i'r Ysgol Fusnes yn cael eu hannog i ystyried dewis y papur ar gyfer y pwnc y maen nhw wedi gwneud cais ar ei gyfer, mae unrhyw gyfuniad o bynciau yn dderbyniol.

## Sut i wneud cais

- Gallwch wneud cais yn hawdd drwy'r Ffurflen Gais ar ein gwefan. Y dyddiad cau ar gyfer ceisiadau yw 7 Mai 2021 ac ni chaiff ceisiadau hwyr eu hystyried.
- Oherwydd yr ansicrwydd presennol ynghylch asesiadau allanol oherwydd Covid-19, rydym yn caniatáu slot 5 diwrnod i Swyddogion Arholiadau drefnu'r arholiadau, gan ddechrau o ddydd Llun, 24 Mai.
- RHAID i chi gael caniatâd eich Swyddog Arholiadau cyn cyflwyno'ch ffurflen gais i sicrhau eu bod yn gallu gwneud y trefniadau angenrheidiol. Bydd angen eu cyfeiriad e-bost arnom er mwyn cael cadarnhad, ac i anfon cyfarwyddiadau arholiad maes o law.
- Cewch e-bost gennym yn cadarnhau ein bod wedi derbyn eich ffurflen gais. Cysylltwch â ni os na fyddwch wedi cael cadarnhad drwy ebost o fewn 3 diwrnod gwaith ar ôl cyflwyno eich ffurflen. Mae'r gydnabyddiaeth hon yn brawf bod eich cais wedi dod i law, ac ni fydd modd i ni unioni unrhyw faterion yn ddiweddarach.

## Trefniadau Penodol

Rhaid i ymgeiswyr a chanddynt ofynion arholi penodol ar gyfer eu harholiadau arferol yn yr ysgol (e.e. amser ychwanegol) gyflwyno e-bost gyda'u cais oddi wrth eu hysgol yn cadarnhau'r gofynion hynny. Fel arfer caiff ymgeiswyr cymwys 25% o amser ychwanegol, a'r un trefniadau ag yn eu harholiadau arferol yn yr ysgol.

Gweler ein polisi ar wneud addasiadau rhesymol ar gyfer ymgeiswyr sy'n sefyll yr Arholiadau Mynediad, sydd ar ein gwefan.

## Lle y cynhelir yr arholiadau

Yn anffodus ni allwn gynnal canolfan arholiadau yn Aberystwyth yn 2021. Felly, bydd angen sefyll yr arholiadau ar-lein yn eich ysgol/coleg.

**Cyn cyflwyno'ch ffurflen gais**, rhaid i chi sicrhau bod eich Swyddog Arholiadau yn fodlon ac yn gallu gwneud y trefniadau angenrheidiol. Bydd angen eu henw a'u cyfeiriad e-bost arnom fel rhan o'r broses ymgeisio.

Cyfrifoldeb yr ymgeisydd fydd cysylltu â'i Swyddog Arholiadau **cyn** diwrnod yr arholiadau i sicrhau bod y trefniadau priodol wedi'u gwneud (ynghlŷn ag ystafell yr arholiad, goruchwylio ac ati). Ni fydd modd unioni camgymeriadau a ddaw i sylw'r Brifysgol ar ôl amserlen yr arholiadau.

## Sefyll yr Arholiadau

Cynhelir yr arholiadau ar-lein a bydd angen defnydd o gyfrifiadur eich ysgol/coleg gyda Microsoft Word, cysylltiad â'r rhyngwyd, a phorwr gwe Chrome (neu Firefox) er mwyn cael mynediad at y papurau arholiad a'u cyflwyno. Byddwch chi, a'ch ysgol/coleg, yn derbyn cyfarwyddiadau llawn. Mae rhai eithriadau:

- Mathemateg a Mathemateg Bellach lle bydd angen eu lawrlwytho, eu cwblhau ar bapur, eu sganio ac i'r Swyddog Arholiadau e-bostio atom, a
- Ffiseg, lle bydd y rhan fwyaf o'r papur ar-lein, ond byddwch hefyd yn cael papur graff y bydd angen ei sganio a'i gyflwyno drwy e-bost.



## Ymgeiswyr Hŷn

Croesewir ceisiadau gan ymgeiswyr hŷn, ond sylwer na chaiff ymgeiswyr fod wedi bod yn fyfyrwyr gradd yn unrhyw brifysgol am fwy nag un semester unrhyw bryd yn y gorffennol. Bydd angen i chi wneud trefniadau addas o ran lleoliad i sefyll yr arholiadau.

## Gohirio Mynediad

Os ydych yn bwriadu gohirio eich cais i'r Brifysgol cewch sefyll yr arholiadau a gohirio unrhyw ddyfarniad law yn llaw â'ch mynediad gohiriedig i'r Brifysgol. Cewch hefyd ddewis sefyll yr arholiadau yn ystod eich blwyddyn allan.

**Sylwer:** Er bod yn rhaid i chi fod wedi gwneud cais i astudio ym Mhrifysgol Aberystwyth erbyn y dyddiad cau o 7 Mai, nid oes rhaid i chi gael cynnig gennym cyn i chi sefyll yr Arholiadau.

## Canlyniadau

Caiff y canlyniadau eu hanfon at ymgeiswyr a'u Swyddogion Arholiadau oddeutu 4-6 wythnos ar ôl yr arholiadau. Os cewch gynnig Ysgoloriaeth neu Wobr Teilyngdod, bydd angen i chi nodi Aberystwyth fel dewis cadarn drwy UCAS er mwyn derbyn y wobwr (nodir yr unig eithriadau yn y Telerau ac Amodau ar y gwefan).

## Talu'r Gwobrau

Telir eich arian yn syth i'ch banc drwy BACS mewn dau randaliad ym mhob blwyddyn gymwys - y cyntaf diwedd wythnos gyntaf mis Rhagfyr, a'r ail diwedd wythnos gyntaf mis Mawrth. Yn ystod y flwyddyn gyntaf yn unig y gwneir taliadau'r Gwobrau Teilyngdod.

## Gwybodaeth ar gyfer Ysgolion a Cholegau

Ceir gwybodaeth am drefniadau'r arholiadau a'r hyn sy'n ofynnol gan Swyddogion Arholiadau ar ein gwefan:

[www.aber.ac.uk/ysgoloriaethau/ysgolion](http://www.aber.ac.uk/ysgoloriaethau/ysgolion)

Anfonir deunyddiau'r arholiadau at y Swyddog Arholiadau enwebedig oddeutu wythnos cyn yr arholiadau.

Ni chodir tâl am sefyll yr Arholiadau Mynediad, ond ni fydd y Brifysgol yn gallu cyfrannu at unrhyw gostau goruchwylio neu archebu ystafelloedd. Bydd trefniadau arholiadau arferol yn berthnasol.

## Cymwynaswyr

Mae modd i ni gynnig ein Hysgoloriaethau Mynediad drwy roddion hael nifer o gymwynaswyr dros y blynyddoedd. Nid oes raid gwneud cais am Ysgoloriaeth benodol - os bydd eich canlyniadau'n ddigon uchel byddwn yn dyfarnu Ysgoloriaeth addas i chi. Fodd bynnag, dylech roi gwybod i ni os ydych chi'n fab i Weinidog Anghydfurfiol ac felly'n gymwys i gael eich ystyried am Ysgoloriaeth Goffa David Morgan Thomas o Caterham.

[www.aber.ac.uk/ysgoloriaethau/rhodd](http://www.aber.ac.uk/ysgoloriaethau/rhodd)

Gweler y wefan am Delerau ac Amodau llawn ar gyfer yr Arholiadau Mynediad:  
[www.aber.ac.uk/entrance-merit](http://www.aber.ac.uk/entrance-merit)

## Elen Haf Roach

Cymraeg Proffesiynol  
**Gwobr Teilyngdod, Ysgoloriaeth Rhagoriaeth Academaidd**  
Hwlfordd, Sir Benfro



Er bod yr Arholiadau Mynediad yn heriol, roeddynt yn ymarfer da ar gyfer fy arholiadau Safon Uwch. Roeddwn yn teimlo anrhydedd mawr wrth ennill Gwobr Teilyngdod. Yna, oherwydd fy nghanlyniadau Safon Uwch, cefais Ysgoloriaeth Rhagoriaeth Academaidd hefyd - doedd dim angen hyd yn oed ymgeisio am yr ysgoloriaeth hon. Rwy'n defnyddio'r arian ar gyfer prynu gwerslyfrau ac ymuno mewn gweithgareddau UMCA.

## Ysgoloriaeth Rhagoriaeth Academaidd

£2,000

Er mwyn gwobrwyo rhagoriaeth academaidd a gyflawnwyd cyn dechrau yn y Brifysgol, mae'n bleser gennym gynnig Ysgoloriaethau Rhagoriaeth Academaidd gwerth £2,000 yn y flwyddyn gyntaf o astudio i ymgeiswyr o'r DU sy'n rhoi Prifysgol Aberystwyth fel dewis Cadarn drwy UCAS, cyn dyddiad cau UCAS, ac sy'n mynd ymlaen i gael:

- Graddau AAA yn yr arholiadau Safon Uwch\*
- DDD yn y BTEC Diploma Estynedig Lefel 3
- 34 pwynt yn y Fagloriaeth Ryngwladol
- Ystyrir cymwysterau ychwanegol sy'n cyfateb i 144 o bwyntiau tariff UCAS.

Nid oes raid gwneud cais, bydd y gwobrau'n cael eu clustnodi'n awtomatig i'r myfyrwyr cymwys.

\* Mae'n bosibl y derbynnir gradd A yn Niploma Uwch Bagloriaeth Cymru, a fydd yn cynnwys y Dystysgrif Her Sgiliau Uwch, yn lle un o'r graddau Safon Uwch.

## Ffion Evans

Daearyddiaeth  
**Gwobr Teilyngdod, Ysgoloriaeth Rhagoriaeth Academaidd, Ysgoloriaeth Astudio Trwy'r Gymraeg**  
Llanybydder, Ceredigion

Dwi wedi bod yn ddigon ffodus i dderbyn sawl ysgoloriaeth. Rwyf yn hynod falch o gael derbyn yr arian sydd wedi bod yn help gyda chostau byw cyffredinol ac wedi fy ngalluogi i brynu deunyddiau addysgol. Roedd hi'n hawdd i ymgeisio am yr ysgoloriaethau ac mi fydden ni yn annog unrhyw un i wneud hynny.

## Bwrsariaeth Margaret Evelyn "Lynne" Williams

£500

Bwrsariaeth o £500 yn y flwyddyn gyntaf i hyd at ddau ymgeisydd i Adran y Gymraeg ac Astudiaethau Geltaidd. Rhaid i ymgeiswyr fod wedi mynychu'r ysgol uwchradd yng Ngheredigion, Caerfyrddin neu Abertawe.

Mae manylion llawn a'r ffurflen gais i'w gweld ar-lein:  
[www.aber.ac.uk/ysgoloriaethau](http://www.aber.ac.uk/ysgoloriaethau)

## Bwrsariaethau Ysgol Gwyddor Filfeddygol Aberystwyth hyd at £2,400

Mae ymgeiswyr am y cwrs Milfeddygaeth (BVSc) yn dilyn llwybr penodol ar gyfer bwrsariaethau. Mae'n bleser felly gennym gynnig y canlynol:

- Bwrsariaethau Cyflawniad - i fyfyrwyr sy'n dangos y gallant gyflawni'n academaidd a dangos arweiniad a gwasanaeth y tu allan i amgylchedd academaidd ar yr un pryd
- Bwrsariaethau Gweledigaeth - i fyfyrwyr sydd wedi cyflawni'n helaeth ac a all fynegi gweledigaeth glir ar gyfer datrys heriau sy'n wynebu'r proffesiwn milfeddygol yng Nghymru.
- Bwrsariaethau Sbardun - agored i ymgeiswyr am radd Milfeddygaeth a gafodd eu haddysg uwchradd yng Nghymru
- Bwrsariaethau Astudio trwy gyfrwng y Gymraeg - i fyfyrwyr sy'n astudio 5 credyd neu fwy trwy gyfrwng y Gymraeg

- Bwrsariaethau sy'n dibynnu ar brawf modd, yn seiliedig ar asesiad o incwm yr aelwyd
- Bwrsariaethau Dwyieithog Astudiaethau Efrydiau Allanol (EMS) - i fyfyrwyr sy'n gwneud lleoliad gwaith mewn amgylchedd Cymraeg neu ddwyieithog Cymraeg/Saesneg am o leiaf 6 wythnos

Anogir myfyrwyr i ymgeisio am gynifer o fwrsariaethau ag y dymunant ond mae'r brifysgol yn cadw'r hawl i flaenoriaethu ceisiadau gan fyfyrwyr a fu'n aflwyddiannus yn flaenorol.

Mae myfyrwyr sy'n cofrestru ar y cwrs Milfeddygaeth (BVSc) hefyd yn cael manteisio ar y gwasanaethau a gynigir gan ein Gwasanaeth Cymorth i Fyfyrwyr a Gyrfaedd, yn cynnwys y Gronfa Caledi.

## Ysgoloriaeth Emily Price £500

Sefydlwyd yr Ysgoloriaeth hon gan deulu a ffrindiau cyn-fyfrwraig, Emily Price, i wobrwyo merched sy'n ymgeisio am gyrsiau Mathemateg a Ffiseg (yn cynnwys anrhydedd cyfun Mathemateg/Ffiseg) yn Aberystwyth. Bydd yr ymgeisydd llwyddiannus yn dangos addewid academaidd a brwdfrydedd ar gyfer cynyddu nifer y merched sy'n cymryd Mathemateg a/ neu Ffiseg. Telir yr Ysgoloriaeth yn ystod y flwyddyn astudio gyntaf.

Rhaid i ymgeiswyr wneud cais ar gyfer cwrs cymwys erbyn 15 Ionawr 2021 a chadarnhau Aberystwyth fel eu dewis Cadarn o brifysgol. Rhaid iddynt hefyd lenwi a chyflwyno ffurflen gais Ysgoloriaeth Emily Price erbyn 31 Ionawr 2021 a gellir gofyn iddynt ddod i gyfweiliad byr i drafod y cais yn ystod Diwrnod Ymweld i Ymgeiswyr ym mis Chwefror neu fis Mawrth 2021.

Gellir cael hyd i fanylion llawn:  
[www.aber.ac.uk/ysgoloriaethau](http://www.aber.ac.uk/ysgoloriaethau)

## Gwobrau Adrannol

**Y mae nifer o'n hadrannau academaidd yn cynnig Gwobrau Adrannol, a gallwch ddal y rhain yn ogystal â nifer o'n Gwobrau eraill. Gellir cael manylion am wneud cais gan yr adrannau'n uniongyrchol.**

### Yr Adran Cyfrifiadureg

Ysgoloriaethau Adrannol i astudio  
Cyfrifiadureg

Anrhydedd Sengl: £500 y flwyddyn  
Anrhydedd Cyfun: £250 y flwyddyn

Mae hyd at dair ysgoloriaeth ar gael i fyfyrwyr sy'n ennill graddau rhagorol yn yr Arholiadau Mynediad, neu sydd wedi llwyddo i gael graddau rhagorol (A\*) yn eu harholiadau Safon Uwch neu gymwysterau cyfatebol. Gwerth y wobrw yw £500 y flwyddyn gydol eich cwrs gradd (tair neu bedair blynedd), sy'n rhoi cyfanswm o hyd at £7,500 (o gynnwys Ysgoloriaeth Cyfadran y Brifysgol).

Er mwyn parhau i dderbyn y wobrw rhaid i chi gael 70% neu fwy ar gyfartaledd yn eich arholiadau bob blwyddyn. Mae myfyrwyr anrhydedd gyfun yn gymwys i gael £250 y flwyddyn.

I gael rhagor o fanylion, cysylltwch â'r Adran Cyfrifiadureg: [cs-admissions@aber.ac.uk](mailto:cs-admissions@aber.ac.uk)

### Adran Mathemateg

Ysgoloriaethau Adrannol i astudio  
Mathemateg

Anrhydedd Sengl: £500 y flwyddyn  
Prif bwnc cwrs Prif bwnc/Is-bwnc:  
£500 y flwyddyn  
Anrhydedd Cyfun: £250 y flwyddyn

I fod yn gymwys, mae'n rhaid i ymgeisydd naill ai ennill Ysgoloriaeth Mynediad y Brifysgol, neu lwyddo i gael gradd A\* yn eu harholiadau Safon Uwch mewn Mathemateg. Gwerth y wobrw yw £500 y flwyddyn ar gyfer ymgeiswyr am gyrsiau anrhydedd sengl a chysiau prif/is-bwnc (gyda'r brif bwnc mewn mathemateg), a £250 y flwyddyn i ymgeiswyr am gyrsiau anrhydedd gyfun. Dyfernir y wobrw yn awtomatig i fyfyrwyr sy'n cyrraedd y meini prawf uchod, a chedwir y wobrw os ydych yn llwyddo i gael cyfartaledd o 70% neu uwch yn eich modiwlau Mathemateg bob blwyddyn.

I gael rhagor o fanylion, cysylltwch â'r Adran Mathemateg: [maths-admissions@aber.ac.uk](mailto:maths-admissions@aber.ac.uk)

### Adran Ffiseg

Ysgoloriaethau Adrannol i astudio Ffiseg

Anrhydedd Sengl: £500 y flwyddyn  
Anrhydedd Cyfun: £250 y flwyddyn

I fod yn gymwys, mae'n rhaid i ymgeisydd fod naill ai ennill Ysgoloriaeth Mynediad y Brifysgol, neu lwyddo i gael o leiaf dwy radd A yn eu Safon Uwch, a rhaid i un ohonynt fod mewn Ffiseg neu Fathemateg. Gwerth y wobrw yw £500 y flwyddyn am gyfnod eich cwrs (tair/pedair blynedd), sy'n rhoi cyfanswm o hyd at £7,500 (yn cynnwys Ysgoloriaeth Cyfadran y Brifysgol).

Gallwch gadw'r wobrw os ydych yn llwyddo i gael cyfartaledd o 70% neu uwch yn arholiadau eich modiwlau bob blwyddyn. Mae myfyrwyr anrhydedd cyfun yn gymwys i gael £250 y flwyddyn. I gael rhagor o fanylion, cysylltwch â'r Adran Ffiseg:  
[phys@aber.ac.uk](mailto:phys@aber.ac.uk)





---

## Ysgoloriaethau Cerdd

---

£650 y flwyddyn

Oherwydd cyfyngiadau COVID 19, mae'r rhan fwyaf o'n darpariaeth gerddoriaeth wedi'i gohirio ar hyn o bryd, ac rydym yn cynnal trafodaethau â'r gymuned gerddoriaeth ynghylch ffurf y ddarpariaeth yn y dyfodol. Bydd cerddoriaeth yn parhau i fod yn rhan allweddol o brofiad myfyrwyr Aberystwyth, fodd bynnag, a byddwn yn parhau i gynnig Ysgoloriaethau Cerddoriaeth. Bydd deiliaid ysgoloriaeth yn gallu defnyddio'r holl gyfleusterau cerddoriaeth cyn gynted ag y byddant ar gael eto. Gwneir ceisiadau am yr Ysgoloriaethau Cerddoriaeth drwy broses glyweliad gystadleuol. Bydd rhagor o fanylion am Gerddoriaeth yn Aber a'r broses ymgeisio am ysgoloriaeth ar gael ar ein gwefan yn gynnar yn 2021.

---

## Rhodri Rutherford

Philomusica a Chantorion y Brifysgol  
Ysgoloriaeth Gerdd - Clarinet a Llais

Mae derbyn yr Ysgoloriaeth Gerdd wedi bod yn brofiad anhygoel i mi. Dwi wedi cael y cyfle i chwarae nifer helaeth o ddarnau cerddorol gan amryw o gyfansoddwyr. Yn ogystal, mae fy sgiliau darllen a chwarae cerddoriaeth wedi datblygu wrth i mi fagu hyder.

Mae'r Ganolfan Gerdd yn darparu ystod eang o grwpiau cerddorol, gyda rhywbeth at ddant pawb. Mae'r teimlad o ymuno gymuned gerddorol yn un hyfryd gan eich bod yn cwrdd â phobl sy'n rhannu'r un diddordebau a phrofiadau. Mae'n ffordd arbennig o dda o gael seibiant o'r cwrs i ymlacio a mwynhau. Mae hefyd yn sicrhau cydbwysedd amser o ran bywyd prifysgol, sy'n allweddol.

---





---

## Bwrsariaethau i'r rhai sy'n Gadael Gofal, Gofalwyr Ifanc a Myfyrwyr sydd wedi'u dieithrio o'u teuluoedd £1,500 y flwyddyn

---

Mae Prifysgol Aberystwyth yn ymwybodol o'r anhawsterau ariannol a wynebir gan fyfyrwyr sy'n mynd ymlaen i addysg uwch a fu mewn gofal neu'r rhai a chanddynt gyfrifoldebau gofalu, neu sydd wedi'u dieithrio oddi wrth eu teuluoedd neu eu gwarcheidwaid. Er mwyn lleddfu'r pwysau ariannol, mae'n dda gennym gynnig cymorth ariannol o £1,500 y flwyddyn, ynghyd â phecyn cymorth helaeth ar gyfer myfyrwyr cymwys. Mae'r pecyn yn cynnwys:

- cyfraniad tuag at gostau teithio os byddwch yn ymweld â ni
- cynnig yn is na'n cynnig safonol
- mynediad i'n Cronfa Caledi
- gwarant o lety mewn preswylfa'r Brifysgol am 52 wythnos o'r flwyddyn
- pecyn croeso pan fyddwch yn cyrraedd, yn cynnwys hanfodion fel dillad gwely ac offer cegin
- Mentor i gefnogi'ch cyfnod pontio o'r ysgol i Brifysgol
- Cyngor gyrfaoedd a phrofiad gwaith
- Gostyngiad o 20% oddi ar y ffioedd dysgu os ydych yn parhau i astudio ar gwrs uwchraddedig yn Aberystwyth yn syth ar ôl graddio

Ceir manylion llawn am wneud cais, y dystiolaeth ategol sydd ei hangen arnom, a ffurflen gais ar ein gwefan:

[www.aber.ac.uk/ymadawryrgofal](http://www.aber.ac.uk/ymadawryrgofal)

Gallwch hefyd anfon e-bost atom: [ysgoloriaethau@aber.ac.uk](mailto:ysgoloriaethau@aber.ac.uk)

Gellir dal y fwsariaeth yma ar y cyd ag unrhyw wobwr arall.

# Ysgoloriaethau Astudio trwy'r Gymraeg

hyd at £400 y flwyddyn

Mae cynnydd sylweddol yn y galw am sgiliau iaith Gymraeg yn y gweithle yng Nghymru.

Er mwyn annog mwy o'n myfyrwyr i fanteisio ar y cyfle i ddysgu a datblygu'r sgiliau hyn, rydym yn cynnig Ysgoloriaethau i'r rhai sy'n dilyn o leiaf ran o'u cwrs drwy gyfrwng y Gymraeg.

Dyfernir Ysgoloriaethau'n awtomatig i fyfyrwyr cymwys. Bydd manylion y modiwlau cymwys ar gael wrth gofrestru ar ddechrau pob blwyddyn academaidd.

- £400 i fyfyrwyr sy'n astudio 85+ o gredydau trwy gyfrwng y Gymraeg
- £350 i fyfyrwyr sy'n astudio 65-84 o gredydau trwy gyfrwng y Gymraeg
- £300 i fyfyrwyr sy'n astudio 45-64 o gredydau trwy gyfrwng y Gymraeg
- £250 i fyfyrwyr sy'n astudio 25-44 o gredydau trwy gyfrwng y Gymraeg
- £200 i fyfyrwyr sy'n astudio 5 - 24 o gredydau trwy gyfrwng y Gymraeg

# Ysgoloriaethau'r Coleg Cymraeg Cenedlaethol



**Corff annibynnol yw'r Coleg Cymraeg Cenedlaethol, sy'n gyfrifol am gynllunio a chyllido darpariaeth cyfrwng Cymraeg o fewn y sector addysg uwch gyfan mewn partneriaeth â holl brifysgolion Cymru.**

**Diben y cynllun Ysgoloriaethau yw cynnig cymorth ariannol i fyfyrwyr sy'n dymuno astudio trwy gyfrwng y Gymraeg. Mae 2 lefel o Ysgoloriaeth, sy'n dibynnu ar y nifer o gredydau sy'n cael eu hastudio trwy gyfrwng y Gymraeg. Mae'r Coleg hefyd yn cynnig Ysgoloriaethau ychwanegol yn dibynnu ar ble mae ymgeiswyr yn dod, a beth maen nhw am ei astudio. Ewch i wefan y Coleg i gael mwy o fanylion. Mae'n bosibl dal Ysgoloriaeth o'r Coleg Cymraeg Cenedlaethol ar y cyd ag unrhyw wobrau o Brifysgol Aberystwyth.**

## Prif Ysgoloriaeth £1,000 y flwyddyn

Mae'r cynllun Prif Ysgoloriaethau ar gael i fyfyrwyr sy'n astudio cyrsiau gradd sy'n cynnwys o leiaf 240 credyd o ddarpariaeth cyfrwng Cymraeg. Er mwyn derbyn yr ysgoloriaeth, bydd angen astudio o leiaf 80 credyd drwy'r Gymraeg ym mhob blwyddyn. Gwerth yr ysgoloriaethau hyn yw £1,000 y flwyddyn (£3,000 dros dair blynedd; lle mae cwrs gradd yn cynnwys tair blynedd o astudio yn Aberystwyth a blwyddyn dramor, ni fydd taliad yn y flwyddyn dramor). Mae rhestr o gyrsiau gradd cymwys ym Mhrifysgol Aberystwyth ar gael ar safle gwe'r Coleg: [www.colegcymraeg.ac.uk](http://www.colegcymraeg.ac.uk)

## Sut i wneud cais

Caiff y Prif Ysgoloriaethau eu dyfarnu ar sail canlyniadau arholiadau'r Ysgoloriaeth Mynediad Prifysgol Aberystwyth. Rhaid ichi ymaelodi â'r Coleg a llenwi ffurflen gais ar wahân ar gyfer

yr Ysgoloriaethau oddi ar wefan y Coleg, **gan sicrhau eich bod wedi llenwi atodiad Prifysgol Aberystwyth**. Rhaid anfon y ffurflen i'r Coleg Cymraeg erbyn y dyddiad a nodwyd.

Mae ffurflen gais ar gael ar safle gwe'r Coleg. Rhaid ei dychwelyd i'r Coleg Cymraeg Cenedlaethol erbyn y dyddiad a hysbysebwyd ganddynt.

## Ysgoloriaethau Cymhelliant £500 y flwyddyn

Mae'r cynllun Ysgoloriaethau Cymhelliant ar gael i fyfyrwyr sy'n astudio cyrsiau gradd sy'n cynnwys o leiaf 120 credyd o ddarpariaeth cyfrwng Cymraeg mewn pwnc cymwys. Er mwyn derbyn yr ysgoloriaeth bydd angen astudio o leiaf 40 credyd drwy'r Gymraeg ym mhob blwyddyn.

Gwerth yr ysgoloriaethau hyn yw £500 y flwyddyn (£1,500 dros dair blynedd); (pan fo cwrs yn cynnwys astudio am dair blynedd yn Aberystwyth a blwyddyn dramor/blwyddyn o brofiad gwaith, ni wneir taliad yn y flwyddyn honno).

Mae rhestr o gyrsiau gradd cymwys ym Mhrifysgol Aberystwyth ar gael ar safle gwe'r Coleg. Dyfernir yr ysgoloriaethau ar sail ffurflen gais y Coleg Cymraeg Cenedlaethol.

## Sut i wneud cais

Rhaid ichi ymaelodi â'r Coleg i wneud cais. Mae ffurflen gais ar gael ar safle we'r Coleg. Rhaid ichi hanfon i'r Coleg Cymraeg Cenedlaethol erbyn y dyddiad a nodwyd ganddynt.

Gweler: [www.colegcymraeg.ac.uk/cy](http://www.colegcymraeg.ac.uk/cy)  
[www.aber.ac.uk/ysgoloriaethau](http://www.aber.ac.uk/ysgoloriaethau)



---

## Cyflogaeth a Chymorth Ychwanegol

---

### GwaithAber

Mae'r cyfleoedd am waith rhan-amser, achlysurol drwy GwaithAber yn amrywio o arlwyo a gwaith gweinyddol, i waith llysgenhadol a mwy. Yn ystod y tymor, os oes gwaith ar gael, gallwch ddewis gweithio hyd at 15 awr yr wythnos, a rhagor o oriau'n bosibl yn ystod y gwyliau. Gallai'r gwaith fod wedi'i leoli ar unrhyw un o gampysau'r Brifysgol gan gynnwys yr Hen Goleg a'n Ffermydd.

Yr hyn sy'n wych am y cynllun yw eich bod yn gallu derbyn gwaith sy'n cyd-fynd â'ch amserlen chi, felly nid yw'n tarfu ar eich astudiaethau, ond fe fyddwch chi'n parhau i feithrin profiad a chael arian ychwanegol.

[www.aber.ac.uk/cy/hr/gwaithaber](http://www.aber.ac.uk/cy/hr/gwaithaber)

### Y Gwasanaeth Cyngor, Gwybodaeth ac Arian

Mae'r Gwasanaeth Cyngor, Gwybodaeth ac Arian o fewn y Gwasanaethau Cymorth i Fyfyrrwyr yn rhoi cyngor arbenigol am amrywiaeth o faterion ariannol. Bydd modd i'n hymgyngorwyr myfyrrwyr, sydd wedi'u hachredu gan NASMA (Cymdeithas Genedlaethol Cyngorwyr Ariannol Myfyrrwyr) wneud yn siŵr eich bod yn cael popeth o fewn eich hawliau gan eich corff cyllido. Gallant hefyd roi cyngor ar sut i reoli eich arian yn fwy effeithiol ac efallai y bydd modd iddynt roi cymorth ariannol ar gyfer amgylchiadau annisgwyl.

[www.aber.ac.uk/cy/student-support](http://www.aber.ac.uk/cy/student-support)

---

## Cymdeithas y Cyn-fyfyrrwyr, Aberystwyth (Cangen Caerdydd) hyd at £1,500

---

Grant gwerth rhwng £500 ac £1,500, sy'n daladwy mewn dau swm cyfartal ym mlwyddyn academaidd gyntaf y myfyriwr yn Aberystwyth. Croesewir ceisiadau gan fyfyrwyr sy'n ddisgyblion mewn ysgol neu goleg yn ardal de-ddwyrain Cymru.

Anfonir manylion pellach at ymgeiswyr cymwys erbyn canol mis Mawrth 2021.



## Gwybodaeth bwysig i'w nodi:

### Cynlluniau Wrth Gefn

Mae pandemig Covid-19 wedi effeithio ar bob rhan o'n bywydau, gan gynnwys arholiadau. Os yw'n digwydd bod cyfyngiadau oherwydd y firws yn tarfu ar yr Arholiadau Mynediad, mae gennym gynlluniau wrth gefn ar waith. Byddwn yn gwneud ein gorau glas i sicrhau nad oes unrhyw ymgeisydd o dan anfantais ond gall amgylchiadau olygu bod angen rhywfaint o hyblygrwydd.

1. Mae'n bosibl dal Ysgoloriaeth Mynediad neu Wobr Teilyngdod ynghyd ag unrhyw un, neu bob un, o'n gwobrau eraill.
2. Mae i bob Ysgoloriaeth a Bwrsariaeth eu telerau ac amodau eu hunain, sydd ar gael yma: [www.aber.ac.uk/ysgoloriaethau](http://www.aber.ac.uk/ysgoloriaethau)
3. Bydd myfyrwyr sy'n gohirio mynediad yn derbyn Ysgoloriaethau/Bwrsariaethau ar y lefel a hysbysebwyd ar gyfer y flwyddyn gais.
4. Mae'r gwobrau'n daladwy i fyfyrwyr sy'n astudio ar gyfer gradd llawn yn unig (nid i'r sawl sydd wedi trosglwyddo i flynyddoedd 2 neu 3 o'r cwrs).
5. Bydd y taliadau'n para tra bydd myfyriwr yn dal y wobr yn amodol ar fodloni'r rheoliadau (os bydd blwyddyn yn cael ei hailwneud ni wneir taliadau, ac eithrio Bwrsariaeth Aberystwyth).
6. Dim ond yn y blynyddoedd pan fo'r myfyriwr yn talu ffioedd llawn y caiff taliadau Ysgoloriaethau a Bwrsariaethau eu gwneud (ni fydd taliadau'n cael eu gwneud yn ystod blynyddoedd tramor fel rhan o'r cwrs neu yn ystod blynyddoedd mewn diwydiant).
7. Fel arfer, gwneir taliadau ddwywaith y flwyddyn yn syth i gyfrifon banc y myfyrwyr. Cyfrifoldeb y myfyrwyr unigol yw darparu manylion dilys y banc pan ofynnir iddynt amdanynt. Os nad ydynt yn rhoi'r manylion hynny erbyn y dyddiad penodedig, ni fydd yr arian yn cael ei dalu. Os na ddarperir manylion cyfrif banc erbyn y dyddiad penodedig, ni fydd gan ddeiliad y grant hawl i dderbyn taliad y flwyddyn honno. Gall taliadau blynyddoedd diweddarach barhau os bydd deiliad y grant yn darparu manylion ei gyfrif banc erbyn y dyddiadau penodedig ar gyfer y blynyddoedd hynny.
8. Bydd taliadau i fyfyrwyr sy'n tynnu'n ôl dros dro yn ailgychwyn o ddechrau'r tymor llawn nesaf pan ailgychwynant ar eu hastudiaethau (ni fydd unrhyw daliadau sy'n weddill o'r tymor pan dynnant yn ôl yn cael eu talu).
9. Mae'n bwysig cofio os y byddwch mewn dyled i'r Brifysgol, y bydd taliadau'r Ysgoloriaeth neu Fwrsariaeth yn cael eu dal yn ôl a'u defnyddio yn erbyn y ddyled.
10. Os bydd myfyriwr yn tynnu'n ôl o'u hastudiaethau am byth cyn Rhagfyr 1af, bydd y Swyddfa Gyllid yn hawlio'r cyfan o'r taliad cyntaf yn ôl. Os bydd myfyriwr yn tynnu'n ôl am byth rhwng Rhagfyr 1af a Mawrth 2il, bydd y Swyddfa Gyllid yn hawlio yn ôl y cyfan o'r ail daliad. O dan yr amgylchiadau hyn, os nad yw'r symiau yn cael eu had-dalu, mae'n bosib y bydd yr achos yn cael ei gyfeirio at asiantaeth casglu dyledion y Brifysgol.
11. Mae'r wybodaeth a geir yn y llyfryn hwn yn berthnasol i fyfyrwyr a fydd yn ymgymryd â'u hastudiaethau yn Aberystwyth yn unig, ac nid yw'n berthnasol i fyfyrwyr sy'n astudio rhaglenni breiniol neu raglenni wedi'u dilysu a gyflwynir gan bartneriaid.



# Ysgoloriaethau, Bwrsariaethau a Gwobrau 2021

Rydym yn cynnig ystod hael o Ysgoloriaethau a Bwrsariaethau i gefnogi'ch costau astudio a byw. Mae'n bosibl dal nifer o'r gwobrau hyn gyda'u gilydd i wneud eich pecyn ariannol chi'n fwy gwerthfawr.



Enw'r Wobr	Gwerth	Pwy all ymgeisio?	Meini Prawf	Pryd i wneud cais	Ffurflen ychwanegol
<b>Ysgoloriaethau Mynediad</b>	<ul style="list-style-type: none"> <li>Hyd at £2,000 y flwyddyn</li> <li>Cynnig diamod</li> <li>Sicrwydd o lety mewn Neuadd Breswyl neu eiddo a weinyddir gan y Brifysgol trwy gydol y cwrs</li> </ul>	Ymgeiswyr Israddedig	<ul style="list-style-type: none"> <li>Rhaid sefyll dau arholiad mewn dau bapur gwahanol</li> <li>Cynhelir yr arholiadau ym mis Mai a rhaid eu sefyll mewn ysgol neu goleg yn y DU, neu mewn canolfan arholi archrededig</li> </ul>	Erbyn 7 Mai	Oes, ar-lein
<b>Gwobrau Teilyngdod</b>	<ul style="list-style-type: none"> <li>£1,000 yn y flwyddyn gyntaf</li> <li>Cynnig diamod</li> </ul>				
<b>Ysgoloriaethau Rhagoriaeth Academaidd</b>	<ul style="list-style-type: none"> <li>£2,000 yn y flwyddyn gyntaf</li> </ul>	Ymgeiswyr o'r DU	Ymgeiswyr a gafodd ganlyniadau rhagorol cyn dechrau yn y Brifysgol	Dim angen ymgeisio	Nac oes
<b>Bwrsariaeth Margaret Evelyn "Lynne" Williams</b>	<ul style="list-style-type: none"> <li>£500</li> </ul>	Ymgeiswyr i Adran y Gymraeg ac Astudiaethau Celtaidd (sy'n dod o Geredigion, Sir Gâr, neu Abertawe)		Erbyn 31 Ionawr	Oes


Enw'r Wobr	Gwerth	Pwy all ymgeisio?	Meini Prawf	Pryd i wneud cais	Ffurflen ychwanegol
<b>Bwrsariaethau Ysgol Gwyddor Filfeddygol Aberystwyth</b>	<ul style="list-style-type: none"> <li>Hyd at £2,400</li> </ul>	Ymgeiswyr i Ysgol Gwyddor Filfyddegol Aberystwyth	Amrywio	Gweler y wefan	Oes
<b>Ysgoloriaeth Emily Price</b>	<ul style="list-style-type: none"> <li>£500</li> </ul>	Ymgeiswyr benywaidd ar gyfer Mathemateg/Ffiseg sy'n dangos addewid academaidd ac angerdd am eu pwnc		Erbyn 31 Ionawr	Oes
<b>Gwobrau Adrannol</b>	<ul style="list-style-type: none"> <li>£250 - £500 y flwyddyn</li> </ul>	Ymgeiswyr ar gyfer Cyfrifiadureg, Ffiseg, a Mathemateg	Rhaid dal Ysgoloriaeth Mynediad neu fod wedi cael graddau penodol yn yr arholiadau Safon Uwch er mwyn cael eich hystyried	Ystyrir ymgeiswyr yn awtomatig	Nac Oes
<b>Ysgoloriaethau Chwaraeon</b>	<ul style="list-style-type: none"> <li>£1,000 y flwyddyn</li> <li>Aelodaeth Platinwm yng Nghanolfan Chwaraeon y Brifysgol</li> <li>Pecyn o fuddion sy'n gysylltiedig â'ch camp</li> </ul>	Ymgeiswyr o'r DU/UE yn cynnwys uwchraddedigion	<ul style="list-style-type: none"> <li>Rhaid gwneud cais i Aberystwyth erbyn 30 Mehefin, a nodi Aberystwyth yn ddedis 'Cadarn'</li> <li>Rhaid cyflawni holl delerau'r cynnig yn llawn</li> </ul>	Erbyn 30 Mehefin	Oes, neu fe allwch ymgeisio ar-lein
<b>Ysgoloriaethau Pêl-droed Prifysgol Aberystwyth/Tref Aberystwyth</b>	<ul style="list-style-type: none"> <li>£4,000 y flwyddyn ynghyd â buddiannau ychwanegol</li> </ul>	Ymgeiswyr gwrywaidd o'r DU yn cynnwys uwchraddedigion	Rhaid fod gan ymgeiswyr brofiad o chwarae pêl-droed i lefel Prif Gynghair Cymru neu lefel gyfatebol	Erbyn 15 Gorffennaf	Oes
<b>Ysgoloriaethau Cerdd</b>	<ul style="list-style-type: none"> <li>£650</li> </ul>	Holl ymgeiswyr yn cynnwys uwchraddedigion	I'w cadarnhau	Bydd manylion ar ein gwefan yn gynnar yn 2021	Oes
<b>Bwrsariaethau Gadael Gofal, Gofalwyr Ifanc a Myfyrwyr sydd wedi'u dieithrio oddi wrth eu teulu</b>	<ul style="list-style-type: none"> <li>£1,500 y flwyddyn</li> </ul>	Myfyrwyr y DU sydd â phrofiad o un o'r categorïau hyn	Mae manylion llawn cymhwysedd a'r dystiolaeth sydd eu hangen ar ein gwefan	Ar ôl derbyn cynnig cadarn, neu yn ystod blwyddyn gyntaf y cwrs	Oes
<b>Ysgoloriaethau Astudio trwy'r Gymraeg</b>	<ul style="list-style-type: none"> <li>Hyd at £400 y flwyddyn</li> </ul>	Myfyrwyr ar gyrsiau cymwys sy'n astudio nifer penoddedig o gredydau trwy gyfrwng y Gymraeg		Ystyrir ymgeiswyr yn awtomatig	Nac oes
<b>Ysgoloriaethau'r Coleg Cymraeg Cenedlaethol</b>	<ul style="list-style-type: none"> <li>£1,500 i £3,000</li> </ul>	Ymgeiswyr cyfrwng Cymraeg	Gweler gwefan y Coleg	Dyddiadau gwahanol yn dibynnu ar y wobr	Rhaid ymaelodi â'r Coleg Cymraeg

Am rhagor o wybodaeth, ewch i'n gwefan:  
[www.aber.ac.uk/ysgoloriaethau](http://www.aber.ac.uk/ysgoloriaethau)

105389-1120

### Yr Adran Marchnata a Denu Myfyrwyr

Adeilad Cledwyn,  
Campws Penglais,  
Prifysgol Aberystwyth,  
Aberystwyth,  
Ceredigion,  
SY23 3DD.



+44 (0) 1970 62 2065



[ysgoloriaethau@aber.ac.uk](mailto:ysgoloriaethau@aber.ac.uk)